

Appa

Qallunaatut atia: Polarlomvie

Latiinerisut atia: Uria lomvia

Tuluttut atia: Thick-billed Murre

Sorlernut ilaava: Timmissat

Timmiaqatai: Naajakkut naloraarusillit

Ilaqutai: Appakkut

Appa appakkut Kalaallit Nunaanni timmissat assigiinngitsut tallimaasut ilagaat. Allat tassaapput appaliarsuk, serfak, apparluk qilanngarlu. Imaani timmiaapput. Alloraangamik sulutik atortarpaat. Kalaallit Nunaata kitaata annersaani nalinginnaavoq.

Ilisarnaatai

Appat appakkutut allatulli ilisarnaatigaat qalipaadini qaqortoq qernertorlu, aammalu siggussuani takisooq qernaluttoq. Nunami mitsimagaangami nissuni tamakkerlugit tutisimasarpoq.

Nerisai

Imaani 150 meterit tikillugit allorsinnaavoq ammassannik aalisakkanillu allanik mikisunik neriniarluni. Minutsi ataasingajak allorsimasinnaavoq. Ukiukkut peqquppassuit nerisarpai.



Paasissutissat

Uumaffii: Sineriak imarlu
Sului siaarlutik: 70 cm miss.
Takissusia: 42-48 cm
Oqimaassusia: 750-1480 g
Manniisa amerlassusaat: 1
Manniliortarpoq: Ukiumut ataasiarluni
Ivasarpoq: Ullut 30-35

Nalunngiliuk?

Appap piaqqani sapaatip-akunneri pingasut missiliorlugit pisoqaassuseqaleraangata innami ullumik ataani imaaniit aggersartarpai. Piaraat suli timmisinnaasanngillat, ulluminniilli angajoqqaaminnut ammut pissittarlutik. Piaqqat imaaniiginnartarput sulummik meqquninnissaasa timmisinnaalernissamillu tungaanut.